

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренцијски савјет*

**RJEŠENJE**  
**po Prijavi koncentracije privrednog subjekta Opresa d.d. Sarajevo**

**Sarajevo,**  
**avgust 2013. godine**



Broj: 04-26-1-011-19-II/13  
Sarajevo, 1. avgust 2013. godine

Na osnovu člana 25. stav (1) tačka e), člana 42. stav (1) tačka d), a u vezi s čl. 12., 14., 16., 17. i 18. Zakona o konkurenciji («Službeni glasnik BiH», br. 48/05, 76/07 i 80/09), rješavajući po Prijavi koncentracije privrednog subjekta Dioničkog društva za unutrašnju i spoljnu trgovinu „OPRESA“ d.d. Sarajevo, Džemala Bijedića 185, 71000 Sarajevo, podnesenu putem punomoćenika Zdravka Rajića, advokata, Stjepana Radića 7, 88000 Mostar, zaprimljenoj pod brojem: 04-26-1-011-II/13 dana 6. juna 2013. godine, Konkurencijsko vijeće Bosne i Hercegovine na 64. (šezdesetčetvrttoj) sjednici održanoj dana 1. avgusta 2013. godine, je donijelo

### **R J E Š E N J E**

1. Ocjenjuje se dopuštenom koncentracija na tržištu prodaje prepaid usluga mobilnih operatera u Bosni i Hercegovini koja će nastati sticanjem kontrole privrednog subjekta Dioničkog društva za unutrašnju i spoljnu trgovinu „OPRESA“ d.d. Sarajevo, Džemala Bijedića 185, 71000 Sarajevo, kupovinom (..)\*\*<sup>1</sup>% vlasničkih udjela u privrednom subjektu „Satelit Plus“ d.o.o. Čitluk, Međugorje, 88260 Čitluk.
2. Ovo Rješenje je konačno i upisuje se u registar koncentracija.
3. Ovo Rješenje bit će objavljeno u "Službenom glasniku BiH", službenim glasnicima entiteta i Brčko distrikta Bosne i Hercegovine.

### **O b r a z l o ž e n j e**

Konkurencijsko vijeće Bosne i Hercegovine (u daljem tekstu: Konkurencijsko vijeće) je dana 6. juna 2013. godine pod brojem: 04-26-1-011-II/13, zaprimilo Prijavu koncentracije (u daljem tekstu: Prijava) Dioničkog društva za unutrašnju i spoljnu trgovinu „OPRESA“ d.d. Sarajevo, Džemala Bijedića 185, 71000 Sarajevo (u daljem tekstu: „OPRESA“ Sarajevo ili Podnosilac prijave), podnesenu po punomoćniku Zdravku Rajiću, advokatu, Stjepana Radića 7, 88000 Mostar (na osnovu punomoći od dana 3. aprila 2013. godine), kojom ovaj privredni subjekt namjerava steći kontrolu nad privrednim subjektom „Satelit Plus“ d.o.o. Čitluk, Međugorje, 88260 Čitluk (u daljem tekstu: „Satelit Plus“ Čitluk), kupovinom (..)\*\*% vlasničkih udjela u istom.

Uvidom u podnesenu Prijavu Konkurencijsko vijeće je utvrdilo da ista nije kompletna, u smislu člana 30. Zakona o konkurenciji (u daljem tekstu: Zakon) i čl. 9. i 11. Odluke o načinu podnošenja prijave i kriterijima za ocjenu koncentracije privrednih subjekata («Službeni glasnik BiH», broj 30/10), te je zatražilo dopunu iste, u skladu sa članom 31. Zakona, aktom broj: 04-26-1-011-1-II/13 dana 19. aprila 2013. godine i aktom broj: 04-26-1-011-10-II/13 dana 24. jula 2013. godine.

Podnosilac prijave je po zahtjevu Konkurencijskog vijeća istu dopunio dana 27. juna 2013. godine, podneskom broj: 04-26-1-011-3-II/13, podneskom broj: 04-26-1-011-2-II/13 od dana

---

<sup>1</sup> (..)\*\* - Podaci predstavljaju poslovnu tajnu, u smislu člana 38. Zakona o konkurenciji

20. juna 2013.godine, podneskom broj:04-26-1-011-4-II/13 od dana 04. jula 2013. godine, podneskom broj: 04-26-1-011-5-II/13 od dana 9. jula 2013. godine i podneskom broj: 04-26-1-011-15-II/13 dana 26. jula 2013.godine.

Nakon toga, Konkurencijsko vijeće je utvrdilo Prijavu kompletnom i, u skladu sa članom 30. stav (3) Zakona, dana 10. jula 2013. godine aktom broj: 04-26-1-011-6-II/13 izdalo Potvrdu o prijemu kompletne i uredne Prijave.

Podnosilac prijave je, u smislu člana 30. stav (2) Zakona, naveo da ne namjerava podnijeti zahtjev za ocjenu predmetne koncentracije niti jednom drugom tijelu izvan teritorije Bosne i Hercegovine.

Konkurencijsko vijeće je, u skladu s članom 16. stav (4) Zakona, dana 17. jula 2013. godine objavilo Obavještenje o dostavljenoj Prijavi u dnevnoj štampi Bosne i Hercegovine (akt broj: 04-26-1-011-9-II/13 od dana 15. jula 2013. godine) (u daljem tekstu: Obavještenje), u kojoj su objavljeni podaci o namjeravanoj koncentraciji, te pozvane sve zainteresirane strane na dostavljanje pisanih komentara u vezi provođenja iste. Na predmetno Obavještenje nisu dostavljeni komentari.

U cilju prikupljanja relevantnih podataka neophodnih za ocjenu predmetne koncentracije Konkurencijsko vijeće se obratilo, dana 24. jula 2013. godine, zahtjevom za dostavu podataka aktom broj: 04-26-1-011-11-II/13, privrednom subjektu BH TELECOM d.d. Sarajevo, ulica Obala Kulina bana 8, 71000 Sarajevo, aktom broj: 04-26-1-011-12-II/13 privrednom subjektu IZI mobil d.o.o., Pijačna do br.14,71000 Sarajevo, aktom broj: 04-26-1-011-13-II/13 privrednom subjektu Telekomunikacije RS a.d. BanjaLuka, Kralja Petra I Karadorđevića 93, 78 000 Banja Luka i paktom broj: 04-26-1-011-14-II/13 privrednom subjektu JP Hrvatske telekomunikacije d.d. Mostar, Kneza Branimira bb, 88 000 Mostar.

U postupku ocjene koncentracije, Konkurencijsko vijeće je utvrdilo slijedeće činjenice:

Prijava je podnesena, u smislu člana 16. stav (2) Zakona (namjeravana koncentracija s pravnim osnovom Pismom namjere).

## **1. Učesnici koncentracije**

Učesnici namjeravane koncentracije su privredni subjekti Dioničko društvo za unutrašnju i spoljnu trgovinu „OPRESA“ d.d. Sarajevo, Džemala Bijedića 185, 71000 Sarajevo i privredni subjekt „Satelit Plus“ d.o.o. Čitluk, Međugorje, 88260 Čitluk.

### **1.1. Privredni subjekt „OPRESA“ Sarajevo**

Privredni subjekt Dioničko društvo za unutrašnju i spoljnu trgovinu „OPRESA“ Sarajevo d.d. Sarajevo, Džemala Bijedića 185, 71000 Sarajevo, registrovan je u sudskom registru Općinskog suda u Sarajevu pod brojem MBS: 65-02-0003-10, a većinski vlasnik je privredni subjekt OPRSR ADRIS grupa d.d., Obala Vladimira Nazora 1, 52210 Rovinj, Republika Hrvatska.

Osnovna registrovana djelatnost privrednog subjekta „OPRESA“ Sarajevo je trgovina na malo i veliko, izdavačka djelatnost, posredovanje u trgovini, uvoz i izvoz, usluge prevoza u domaćem i međunarodnom saobraćaju, a pretežna djelatnosti su trgovina na malo i trgovina na veliko.

Privredni subjekt „OPRESA“ Sarajevo je jedan od najvećih maloprodajnih lanaca u Bosni i Hercegovini za prodaju duhana, štampe, dopuna i telefonskih kartica mobilnih BH operatera, te ostale komercijalne robe.

Privredni subjekt „OPRESA“ Sarajevo ugovore o zastupanju pri prodaji kartica i prepaid usluga ima zaključene sa privrednim subjektima i to: BH Telecom d.d. Sarajevo, Obala Kulina bana 8, 71000 Sarajevo (u daljem tekstu: BH Telecom), JP Hrvatske telekomunikacije d.d. Mostar, Kneza Branimira bb, 88000 Mostar (u daljem tekstu: HT Eronet), Telekomunikacije RS a.d. Banja Luka, Kralja Petra I Karađorđevića 93, 78000 Banja Luka (u daljem tekstu: Telekomunikacije RS:) i IZI mobil d.o.o. Sarajevo, Pijačna do broja 14, 71000 Sarajevo (u daljem tekstu: IZI mobil).

Privredni subjekt „Opresa“ nema udjela u osnovnom kapitalu drugih privrednih subjekata u Bosni i Hercegovini.

## **1.2. Privredni subjekt „Satelit Plus” Čitluk**

Privredni subjekt „Satelit Plus“ d.o.o. Čitluk, Međugorje, 88260 Čitluk, registrovan je u Općinskom sudu u Mostaru, pod brojem MBS: 58-01-0088-09, sa jednakim vlasničkim udjelom od 25,0% fizičkih lica: Slavko Lončar (Međugorje, (..) \*\*, 88260 Čitluk), Ivica Kevilj ((..) \*\*, 88220 Široki Brijeg), Miro Gugić ((..) \*\*, 88220 Široki Brijeg) i Željko Knezović ((..) \*\*, 88220 Široki Brijeg).

Osnovne registrovane djelatnosti privrednog subjekta „Satelit Plus“ Čitluk su posredovanje u trgovini raznovrsnim proizvodima, s tim da gotovo 100,0% prihoda ostvaruje od zastupanja i distribucijom prepaid usluga mobilnih operatera (unutar trgovačkih lanaca, samostalnih trgovačkih radnji, benzinskih pumpi, kioska i sličnih prodajnih mjesta).

Privredni subjekt „Satelit Plus“ Čitluk ima zaključene ugovore o zastupanju pri prodaji kartica i prepaid usluga sa: privrednim subjektima BH Telecom, HT Eronet, Telekomunikacije RS i IZI mobil.

Privredni subjekt „Satelit Plus“ Čitluk je (..) \*\*% vlasnik privrednih subjekata POS d.o.o. Posušje, Viteza Mile Bošnjaka 32, 88240 Posušje (u daljem tekstu: „POS“ Posušje i privrednog subjekata UNCRO team d.o.o. Tuzla, Drage Karamana bb, 75000 Tuzla (u daljem tekstu: „UNCRO“ Tuzla).

### **1.2.1. Privredni subjekt „POS“ Posušje**

Privredni subjekt POS d.o.o. Posušje, Viteza Mile Bošnjaka 32, 88240 Posušje, je registrovan u Općinskom sudu u Širokom Brijegu, pod brojem MBS: 64-01-0040-10, sa (..) \*\*% vlasničkih udjela privrednog subjekta „Satelit Plus” Čitluk.

Osnovne registrovane djelatnosti privrednog subjekta „POS“ Posušje su posredovanje u prodaji usluga-vrijednosnica, s tim da gotovo 100,0% svojih prihoda ostvaruje od zastupanja tj. distribucijom prepaid usluga mobilnih operatera (unutar trgovačkih lanaca, samostalnih trgovačkih radnji, benzinskih pumpi, kioska i sličnih prodajnih mjesta).

Privredni subjekt „POS“ Posušje nema udjela u osnovnom kapitalu drugih privrednih subjekata u Bosni i Hercegovini.

## 1.2.2. Privredni subjekt „UNCRO“ Tuzla

Privredni subjekt UNCRO team d.o.o. Tuzla, Drage Karamana bb, 75000 Tuzla, je registrovan u Općinskom sudu u Tuzli, pod brojem 32-01-0083-10, sa (..) \*\*% vlasničkih udjela privrednog subjekta „Satelit Plus“ Čitluk.

Osnovne registrovane djelatnosti privrednog subjekta „UNCRO“ Tuzla su posredovanje u prodaji usluga-vrijednosnica, s tim da gotovo 100,0% svojih prihoda ostvaruje od zastupanja tj. distribucijom prepaid usluga BH telecom operatera, unutar trgovačkih lanaca, samostalnih trgovačkih radnji, benzinskih pumpi, kioska i sličnih prodajnih mjesta.

Privredni subjekt „UNCRO“ Tuzla nema udjela u osnovnom kapitalu drugih privrednih subjekata u Bosni i Hercegovini.

## 2. Obaveza prijave koncentracije

Obaveza prijave koncentracije nastaje, u smislu odredbe člana 14. stav (1) Zakona, kada učesnici koncentracije prodajom roba i/ili usluga ostvare na svjetskom tržištu 100 miliona KM po završnom računu u godini koja je prethodila koncentraciji, i kada ukupni godišnji prihodi svakog od najmanje dva privredna subjekta učesnika koncentracije ostvareni prodajom roba i /ili usluga na tržištu Bosne i Hercegovine iznose najmanje 8 miliona KM po završnom računu u godini koja je prethodila koncentraciji, ili ako je njihovo zajedničko učešće na relevantnom tržištu veće od 40,0%.

Ukupni godišnji prihodi učesnika namjeravane koncentracije i njihovih povezanih društava na dan 31. decembar 2012. godine:

Tabela 1.

R.b.	Privredni subjekt	Bosna i Hercegovina
1.	„OPRESA“ Sarajevo	(..) **KM*
2.	„Satelit Plus“ Čitluk	(..) **KM
3.	„POS“ Posušje	(..) **KM
4.	„UNCRO“ Tuzla	(..) **KM
	Ukupan prihod u Bosni i Hercegovini (2+3+4)	(..) **KM

Izvor: podaci iz Prijave

Godišnji prihodi učesnika koncentracije predstavljaju ukupne prihode (bez poreza na dodatnu vrijednost i drugih poreza), u smislu člana 9. tačka h) Odluke o načinu podnošenja prijave i kriterijumima za ocjenu koncentracija privrednih subjekata ("Službeni glasnik BiH", br. 18/06 i 34/10) (u daljem tekstu: Odluka).

Obzirom da privredni subjekt „Satelit Plus“ Čitluk ima (..) \*\*% vlasničkih udjela u privrednom subjektu „POS“ Posušje i privrednom subjektu „UNCRO“ Tuzla, a da navedeni privredni subjekti obavljaju istu djelatnost, prilikom izračunavanja ukupnog prihoda privrednog subjekta „Satelit Plus“ Čitluk uzeti su u obzir i prihodi ovih povezanih društava, te je ukupan prihod privrednog subjekta „Satelit Plus“ Čitluk (..) \*\* KM, dok je privredni subjekt „OPRESA“ Sarajevo u istom periodu ostvario ukupno (..) \*\*KM.

Na osnovu navedenog, Konkurencijsko vijeće je utvrdilo (Tabela 1.) da su učesnici koncentracije u 2012. godini ostvarili ukupan prihod (na tržištu Bosne i Hercegovine) koji podliježe obavezi prijave namjeravane koncentracije, iz člana 14. stav (1) tačka b) Zakona.

### **3. Pravni okvir ocjene koncentracije**

Konkurencijsko vijeće je u provođenju postupka ocjene predmetne koncentracije primijenilo odredbe Zakona, Odluke o načinu podnošenja prijave i kriterijumima za ocjenu koncentracija privrednih subjekata («Službeni glasnik BiH», br. 34/10) i Odluke o utvrđivanju relevantnog tržišta («Službeni glasnik BiH», br. 18/06 i 34/10) i Odluke o definisanju kategorija dominantnog položaja («Službeni glasnik BiH», br. 18/06 i 34/10).

Konkurencijsko vijeće, u skladu sa članom 43. stav (7) Zakona, pri izračunavanju ukupnih godišnjih prihoda učesnika koncentracije je koristilo kriterije i standarde Obavijesti Evropske komisije o izračunu ukupnog prihoda u skladu sa Uredbom Vijeća (EEZ) broj: 4064/89 o kontroli koncentracije privrednih subjekata.

### **4. Pravni osnov i oblik koncentracije**

Pravni osnov namjeravane koncentracije je Pismo namjere, potpisano dana 21. maja 2013. godine između privrednog subjekta „OPRESA“ Sarajevo i fizičkih lica: Slavke Lončara, Ivice Kevilaj, Mire Gugića i Željka Knezovića, kao ravnopravnih vlasnika privrednog subjekta „Satelit Plus“ Čitluk.

Pismom namjere se izražava namjera privrednog subjekta „OPRESA“ Sarajevo za kupovinom (...) udjela u privrednom subjektu „Satelit Plus“ Čitluk, a potom daljnjih (...) udjela u cilju stjecanja većinskog vlasništva.

Također, Pismom namjere je predviđeno sklapanje kupoprodajnog ugovora nakon donošenja rješenja Konkurencijskog vijeća o predmetnoj koncentraciji.

U skladu sa naprijed navedenim, pravni oblik predmetne koncentracije je sticanje kontrole ili dominantnog utjecaja jednog privrednog subjekta nad drugim, kupovinom većine dionica ili udjela osnovnog kapitala, u skladu sa članom 12. stav (1) tačka b) Zakona.

### **5. Relevantno tržište**

Relevantno tržište, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda i/ili usluga koji su predmet obavljanja djelatnosti na određenom geografskom području.

Prema odredbi člana 4. Odluke o utvrđivanju relevantnog tržišta, relevantno tržište proizvoda obuhvata sve proizvode i/ili usluge koje potrošači smatraju međusobno zamjenjivim s obzirom na njihove bitne karakteristike, kvalitet, namjenu, cijenu ili način upotrebe.

Prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cijelu ili dio teritorije Bosne i Hercegovine, na kojoj su tržišni konkurenti aktivni u prodaji i/ili kupovini relevantnog proizvoda pod jednakim ili dovoljno ujednačenim uslovima koji to tržište bitno razlikuju od uslova tržišne konkurencije na susjednim geografskim tržištima.

Imajući u vidu da privredni subjekt „Satelit Plus“ Čitluk, nad kojim se stiče kontrola, kao i njegova povezana društva, obavljaju usluge posredovanja pri distribuciji, prodaji prepaid programa telekom operatera, relevantnim tržištem proizvoda/usluga u predmetnoj koncentraciji se smatra tržište prodaje prepaid usluga mobilnih operatera (napomena – prepaid usluge definisane su – bonovi za nadoplatu prepaid računa u obliku „scratch kartice“

– elektronski bonovi/dopune koje se prodaju preko POS terminala - start paketi, prepaid boksovi (prepaid broj + mobilni telefon).

Budući da su učesnici predmetne koncentracije poslovno aktivni na cijeloj teritoriji Bosne i Hercegovine, relevantnim tržištem u geografskom smislu smatraće se cijela teritorija Bosne i Hercegovine.

Na osnovu navedenog, relevantnim tržištem predmetne koncentracije smatra se tržište prodaje prepaid usluga mobilnih operatera na cijeloj teritoriji Bosne i Hercegovine.

### 5.1. Analiza relevantnog tržišta

Na osnovu podataka Regulatorne agencije za komunikacije Bosne i Hercegovine (RAK), tržišni udjeli učesnika koncentracije i glavnih konkurenata (procjena na osnovu ostvarenog prometa):

Tabela 2.

R.b.	Naziv privrednog subjekta	Sjedište	Tržišni udio %
1.	„OPRESA“	Sarajevo	(..)**
2.	„Satelit plus“	Čitluk	(..)**
3.	„POS“	Posušje	(..)**
4.	„UNCRO“	Tuzla	(..)**
5.	Financ d.o.o.	Banja Luka	(..)**
6.	AC Krila d.o.o.	Banja Luka	(..)**
7.	Unimedia d.o.o.	Gradačac	(..)**
8.	Moby Plus d.o.o.	Mostar	(..)**
9.	Telering d.o.o.	Banja Luka	(..)**
10.	Octopus d.o.o.	Banja Luka	(..)**
11.	Riva d.o.o.	Tuzla	(..)**
12.	G4 d.o.o.	Mostar	(..)**
13.	BH pošta d.o.o.	Sarajevo	(..)**
14.	Ostali	Bosna i Hercegovina	(..)**
	<b>Ukupno (1+2+3+4) učesnici koncentracije</b>		(..)**
	<b>UKUPNO</b>		<b>100,00</b>

Izvor: Podaci iz Prijave

Nakon provođenja predmetne koncentracije procjenjuje se da će tržišni udjel učesnika koncentracije i njihovih povezanih društava iznositi (..)\*\*% na tržištu prodaje prepaid usluga mobilnih operatera u Bosni i Hercegovini (prema podacima iz Prijave prihod telekom operatera od usluge prepaide je (..)\*\* KM za 2012. godinu), te je Konkurencijsko vijeće utvrdilo da je zajednički tržišni udjel učesnika koncentracije na relevantnom tržištu ispod 40,0% kojim se pretpostavlja da privredni subjekt može imati dominantan položaj, u smislu člana 9. Zakona.

### 6. Ocjena predmetne koncentracije

Konkurencijsko vijeće je analizom relevantnih podataka, u smislu člana 17. Zakona, ocijenilo da će provođenjem namjeravane koncentracije doći do značajnog povećanja tržišnog udjela (Tabela 2.) učesnika koncentracije na ukupno (..)\*\*%, ali neće doći do stvaranja i jačanja dominantnog položaja, u smislu člana 9. Zakona.

Također, Konkurencijsko vijeće je ocijenilo da na relevantnom tržištu djeluje veliki broj konkurenata koji kontinuirano u odnosu na ranije godine povećavaju svoje tržišne udjele.

Nadalje, Konkurencijsko vijeće je utvrdilo da učesnici koncentracije i konkurenti na relevantnom tržištu djeluju na osnovu zaključenih tipskih ugovora o zastupanju u prodaji

prepaid usluga s mobilnim operaterima u Bosni i Hercegovini, i da u odredbama tih ugovora nema ograničenja za ulazak na ovo tržište potencijalnim privrednim subjektima.

To znači da ne postoji tehnološko, pravno, ugovorno ograničenje na tržištu za potencijalne privredne subjekte koji žele zaključiti ugovore sa registrovanim mobilnim operaterima o zastupanju (posredovanja) prema komercijalnim uslovima u prodaji prepaid kartice, vaučera ili bonova za dopunu.

Specifičnost poslovanja u segmentu distribucije elektronskih bonova/dopuna i drugih proizvoda i usluga koji se mogu digitalno distribuirati, kao i brz tehnološki razvoj tržišta prodaje elektronskih bonova/dopuna, obrazlaže potrebu privrednog subjekta „OPRESA“ Sarajevo da ovaj segment svog poslovanja efikasnije može razvijati unutar drugog privrednog subjekta, koji bi organizacijski i kadrovski bio za to specijaliziran, a što bi istovremeno osiguralo poslovnu efikasnost i brži tehnološki razvoj oba privredna subjekta.

Predmetna koncentracija će omogućiti razvoj privrednog subjekta „Satelit Plus“ Čitluk, a istovremeno osigurati kontrolu nad kvalitetom distribucije elektronskih bonova/dopuna na maloprodajnim lokacijama privrednog subjekta „OPRESA“ Sarajevo, bez da usložnjava svoju organizacijsku strukturu uvođenjem potpuno novog poslovnog segmenta, te osigurati efikasnije upravljanje troškovima, veću perspektivu razvoja i specijalizacije oba privredna subjekta.

Telekom operateri također zahtijevaju od svojih distributera prepaid usluga da se usluge procesiranja njihovih transakcija obavljaju u Bosni i Hercegovini, zbog čega su privredni subjekti koji se bave ovom poslovnom djelatnošću usmjereni na razvoj lokalnih potencijala.

Pored potrebe za zamjenom terminala zbog isteka roka korištenja, učesnicima koncentracije posebno je važno osigurati takve EFT POS terminale koji mogu podržati razvoj novih usluga (QR, NFC, beskontaktna plaćanja i sl.) i zadovoljiti visoke standarde sigurnosti transakcija koje se obavljaju u distribuciji elektronskih bonova i dopuna.

Imajući u vidu navedeno, Konkurencijsko vijeće je u smislu člana 18. stav (2) tačka a) Zakona, donijelo odluku kao u dispozitivu ovog Rješenja.

## **7. Administrativna taksa**

Podnosilac prijave u skladu s članom 2. tarifni broj 107. stav (1) tačka d) pod 1) Odluke o administrativnim taksama u vezi sa procesnim radnjama pred Konkurencijskim vijećem (Službeni glasnik BiH», br. 30/06 i 18/11), dužan je platiti administrativnu taksu na ovo Rješenje u iznosu od 2.500,00 KM, u korist Budžeta institucija Bosne i Hercegovine.

## **8. Pouka o pravnom lijeku**

Protiv ovog Rješenja nije dozvoljena žalba.

Nezadovoljna stranka može pokrenuti upravni spor pred Sudom Bosne i Hercegovine u roku od 30 dana od dana prijema ovog Rješenja, odnosno od dana njegovog objavljivanja.

**Predsjednica**

**Gordana Živković**